

বাংলা—প্রথম ভাষা

প্রথম পত্র

নতুন পাঠক্রম

[নিয়মিত ও বহিরাগত উভয় পরীক্ষার্থীদের জন্য]

১। প্রতিটি উত্তর অনধিক তিনটি বাক্যে লিখে যে-কোনো তিনটি প্রশ্নের উত্তর দাও :

[৩×২=৬]

- ১.১ “পরদোষে কে চাহে মজিতে?”—‘পরদোষ’ বলতে কী বোঝানো হয়েছে?
১.২ “চলতে কি তুই পারবি আপন প্রাণ বাঁচিয়ে?”—প্রাণ বাঁচিয়ে চলার সংকট কোথায়?
১.৩ “হাত জোড় করে দোয়া মাঙ্ দাদু”—কোন ‘দোয়া’ মাঙার কথা বলা হয়েছে?
১.৪ “সলতেটা নেবার পরও এই ডাক ঘুরতে থাকবে”—কোন ডাকের কথা বলা হয়েছে বুঝিয়ে দাও।

- ১.৫ “প্রত্যহ দুঃস্বপ্ন দেখি”—দুঃস্বপ্ন দেখার কারণ কী?
১.৬ “দেশ-দেশান্তে ছুটেছে আজি”—ছোট্টার কারণ নির্দেশ করো।

২। প্রতিটি উত্তর কম-বেশি ছটি বাক্যে লিখে যে-কোনো চারটি প্রশ্নের উত্তর দাও :

[৪×৫=২০]

- ২.১ “কারো কোনো দোষ নাহি মানে”—‘দোষ’ বলতে কী বোঝানো হয়েছে? দোষ না মানায় উদ্দিষ্ট ব্যক্তির কী চারিত্রিক বৈশিষ্ট্য ফুটে উঠেছে? [২+৩]
২.২ “রাঘবদাস আমি”—বক্তার এমন পরিচয় দানের প্রয়োজন হয়েছিল কেন? এই পরিচয় উচ্চারণের জন্য তিনি কীভাবে ধিকৃত হয়েছিলেন? [২+৩]
২.৩ “ঘুমায়ে রয়েছে নিবন্ধম নিরালায়!”—এই ‘ঘুমে’র অর্থ কী? যাঁর সম্পর্কে বলা হয়েছে, তাঁর সঙ্গে বক্তার জীবন কতটা অন্তরঙ্গভাবে জড়িয়ে গিয়েছিল, অল্প কথায় বুঝিয়ে দাও। [১+৪]

২.৪ “উড়ছে আজো ধর্ম-ধ্বজা টিকির গিঁঠে দাড়ির ঝোপে!”—‘টিকির গিঁঠ’ ও ‘দাড়ির ঝোপ’-এর নিগূঢ় অর্থ বুঝিয়ে দাও। ‘ধর্ম-ধ্বজা’ ওড়ানো প্রসঙ্গে কবির কী মনোভাব প্রকাশিত? [২+৩]

২.৫ “এখনো আমার মনে তোমার উজ্জ্বল উপস্থিতি”—‘এখনো’ বলতে কখনকার কথা বলা হয়েছে? ‘তোমার’ বলতে কবি কাকে বুঝিয়েছেন? ওই সময়েও তাঁর উজ্জ্বল উপস্থিতির কারণ কী? [১+২+৩]

২.৬ “বাংলার মুখ আমি দেখিচ্ছি”—এখানে ‘মুখ’ বলতে কবি কী বুঝিয়েছেন? তোমার পাঠ্য কবিতা অবলম্বনে ‘বাংলার মুখ’ দেখা যায় এমন দৃশ্যের বর্ণনা দাও।

[১+৪]

২.৭ “মনে ভাবিলাম মোরে ভগবান রাখিবে না মোহগর্তে”—‘মোহগর্ত’ বলতে কী বোঝ? মোহগর্তে না রাখার জন্য ভগবান কী উপায় করেছেন বলে বক্তার ধারণা হয়েছে?

[২+৩]

৩। কম-বেশি পনেরোটি বাক্যে যে-কোনো একটি প্রশ্নের উত্তর দাও : [১০]

৩.১ “দুই বিঘা জমি” কবিতায় কথিত কাহিনি অনুসরণে স্বৈরাচারী জমিদারতন্ত্রের রূপটি পরিস্ফুট করো। [১০]

৩.২ জীবনের দীর্ঘপথ পেরিয়ে কবি কীভাবে জন্মভূমির অনিবার্য টানে আবার ফিরে এসেছেন তাঁর ‘জনমদুখিনির ঘর’-এ, তা বিবৃত করো। [১০]

৩.২ “গল্পটা সবাই জানে।”—‘গল্পটা’ উল্লেখ করো। ‘নেমেছে গল্পের রাজা বাস্তবের প্রকাশ্য রাস্তায়’।—গল্পের সঙ্গে বাস্তব পরিস্থিতির পার্থক্য কোথায় তা বিশদভাবে বুঝিয়ে দাও। [৩+৭]

৪। উৎস নির্দেশসহ প্রতিটি টীকা অনধিক চারটি বাক্যে লেখো (যে-কোনো দুটি): [২×২=৪]

৪.১ প্রফুল্ল কমলে কীটবাস ৪.২ পদ্মকোশের বজ্রমণি ৪.৩ জাঠ কালাপাহাড় ৪.৪ মরিবার মতো ঠাঁই ৪.৫ সতর্ক সাইরেন ৪.৬ পরান্নভোজী।

৫। কম-বেশি পনেরোটি বাক্যে যে-কোনো একটি প্রশ্নের উত্তর দাও : ১০

৫.১ ‘চিঠি’ কবিতায় পাৰ্শ্বনাথ বন্ধ্যার খবর শুনে উদ্ভাস্ত রমণী সরলার মায়ের মনে কী কী চিন্তার উদয় হয়েছে—লেখো। “শিরায় শিরায়/ওতপ্রোত আশ্চর্য চেতনা”—এই ‘আশ্চর্য চেতনা’টি কী? [৬+৪]

৫.২ ‘দূরন্ত আশা’ কবিতায় শান্ত নিরীহ বঙ্গবাসীর জীবনযাত্রার যে বর্ণনা দেওয়া হয়েছে সংক্ষেপে তা বিস্তৃত করো। এ প্রসঙ্গে কবির ব্যঙ্গরসসৃষ্টির পরিচয় দাও। [৬+৪]

৬। নিম্নলিখিত যে-কোনো একটি বিষয় সম্পর্কে অনধিক ৫০০ শব্দের মধ্যে প্রবন্ধ লেখো : [২০]

৬.১ প্রাকৃতিক বিপর্যয় : সমস্যা ও প্রতিকার। ৬.২ প্রাত্যহিক জীবনে জল।

৬.৩ তোমার জীবনের লক্ষ্য। ৬.৪ তোমার অরণীয় বাঙালি বৈজ্ঞানিক।

৭। চলিত গদ্যে বঙ্গানুবাদ করো : [১০]

We should try to prosper in life. But we should not give up our sense of morality. If we compromise with dishonesty, it would be difficult for us to respect ourselves. So it is important to choose the right way.

৮। যে-কোনো একটির উত্তর দাও :

৮.১ ভাবার্থ লেখো (প্রদত্ত রচনার এক-তৃতীয়াংশ আয়তনের মধ্যে) :

[৫]

আমার মতে শিক্ষার প্রণালী হচ্ছে বৈরাগীর রাস্তায়। ছাত্রদের নিয়ে বিরাগী হয়ে বেরিয়ে পড়তে হয়। চলতে চলতে নিয়ত নব নব বিষ্ময়ে অজানার ভিতর দিয়ে জেনে চলাই হচ্ছে প্রাণবান শিক্ষা। প্রাণের ছন্দের সঙ্গে এই শিক্ষাপ্রবাহের তাল মেলে। বন্ধ ক্লাস হচ্ছে প্রাণধর্মী চিত্তের সহজজ্ঞানের পথে কঠিন বাধা। খাঁচার মধ্যে পাখিকে বাঁধা খোরাক খাওয়ানো যায়, কিন্তু তাকে সম্পূর্ণ পাখি হতে শেখানো যায় না। বনের পাখি ওড়ার সঙ্গে খাওয়ার মিল করে আনন্দিত হয়। প্রকৃতির অভিপ্রায় ছিল চলার সঙ্গে পাওয়ার মিল করে মানুষকে শেখানো। কিন্তু, হতভাগ্য মানবসত্তার পক্ষে চলা বন্ধ করে দিয়ে শেখানোই শিক্ষাপ্রণালী বলে গণ্য হয়েছে। তাতে কত ব্যর্থতা, কত দুঃখ তার হিসেব কে রাখে। আমি তো পথ চলা শিক্ষাব্যবস্থার কথা অনেকবার প্রস্তাব করেছি, কিন্তু কারও মন পাই নে। কারণ, যারা ভদ্রশিক্ষা পেয়েছে তারা বাঁধনের শিক্ষাকেই বিশ্বাস করতে শিখেছে। আমার ভাগ্য আমাকে শিক্ষায় বিরাগী করেছে বলেই খোলা পথের শিক্ষার ধারাকেই আমি সব চেয়ে সম্মান দিই।

৮.২ ভাবসম্প্রসারণ করো (কম-বেশি দশটি বাক্য) :

পরের জন্য আত্মবিসর্জন ভিন্ন পৃথিবীতে স্থায়ী সুখের অন্য কোনো মূল নাই।

৯। যে-কোনো একটির উত্তর দাও (অনধিক দশটি বাক্য) :

[৫]

৯.১ সংবাদপত্রে প্রকাশের জন্য নিম্নলিখিত বিষয়ে একটি প্রতিবেদন রচনা করো :

সাম্প্রতিক কালে অস্বাভাবিক মূল্যবৃদ্ধির জন্য সাধারণ মানুষের অসহায়তা।

৯.২ বিদ্যালয়ের বার্ষিক পত্রিকা-প্রকাশনের জন্য পত্রিকা-সমিতির প্রাথমিক অধিবেশনের কার্য-বিবরণী লিপিবদ্ধ করো।

(শুধু বহিরাগত পরীক্ষার্থীদের জন্য)

১০। কম-বেশি পনেরোটি বাক্যে লিখে যে-কোনো একটি প্রশ্নের উত্তর দাও : [১০]

১০.১ 'রবীন্দ্রনাথের প্রতি' কবিতায় কবি নিজেকে 'দুর্ভিক্ষের কবি' কেন বলেছেন? 'দুর্ভিক্ষের কবি' হিসাবে তাঁর দিন ও রাত্রি কীভাবে কাটে কবিতা অবলম্বনে তা লেখো।

[৩+৭]

১০.২ 'পথের দিশা' কবিতায় কবি কোন্ পরিস্থিতির মধ্যে অগ্রদূতের আবির্ভাবের বার্তা শুনতে চেয়েছেন, তা বুঝিয়ে দাও।

[১০]